

ŠKOLSKI PROJEKAT

Je skraćeni naziv za projekat čije aktivnosti se realizuju u saradnji sa školama i učenicima. Od 1997. godine UHD "Prijateljice" realizuju projektne aktivnosti u školama na području Tuzlanskog kantona (TK), sa ciljem pružanja pomoći djeci povratnicima iz inostranstva u savladavanju školskog gradiva. Vremenom, broj povratničke populacije na području TK se smanjivao, ali je ubrzo došlo do stvaranja preduslova za intenzivan dvosmjerni povratak izbjeglih i prognanih lica na teritoriji cijele Bosne i Hercegovine. Shodno promjenama u društvu dolazi i do promjena u realizaciji projekta te od 2002. godine projekat se realizuje pod nazivom "Podrška djeci pri uklapanju u školski sistem u oba entiteta".

Projekat se realizovao u deset škola, 5 škola u FBiH, 5 škola u RS. Od ukupnog broja 8 škola su bile osnovne, a dvije srednje škole.

U septembru 2007. godine, 2 srednje škole su zamijenjene dvjema novim osnovnim školama (OŠ Kozluk i Tojšići).

I u septembru 2008. godine, OŠ "Slavinovići"/Tuzla zamjenjuje OŠ iz Lipnice/Tuzla.

Od 01.01.2010. godine počinje novi projektni ciklus, pod nazivom "**Koraci ka pomirenju i toleranciji kroz dijalog u obrazovnom sistemu u Bosni i Hercegovini i regiji**" sa ciljem :

„Podrška povratničkim manjinama u oba entiteta u procesu reintegracije i ostvarivanja humanog suživota u skladu sa Deklaracijom o ljudskim pravima i Konvencijom o pravima djeteta i pospješivanje međuentitetskog i međudržavnog dijaloga“.

U projekat je tokom 2010/2011. školske godine bilo uključeno 10 škola, u školskoj 2011/2012. i 2012 /2013. bilo je uključeno 8 škola, ali već od 2014. imamo 6 uključenih škola.

Od 2010. do 2014. godine projekat nosi isti naziv i realizuje se sa istim opštim ciljem, s tim da je u ovom vremenskom periodu došlo do određenih promjena na projektu, uslovljenim smanjenjem finansijskih sredstava.

Specifični ciljevi projekta su:

- Reduciranje predrasuda, prihvatanje različitosti, kako kod djece tako i kod odraslih, nastavnika, roditelja, u oba entiteta u skladu sa Konvencijom o pravima djece,

Deklaracijom o ljudskim pravima.

- Uklanjanje predrasuda koje utiču na stvaranju diskriminacije među stanovništvom u oba entiteta. Predrasude vezane za nacionalnu, vjersku i geografsku pripadnost (kategorija povratnika, prognanih lica i domicilnog stanovništva).

- Omogućavanje usvajanja komunikacijskih vještina sa fokusom na kreativno upravljanje konfliktom sa raznim ciljnim grupama: učenici, roditelji, prosvjetni radnici.

- Smanjenjem diskriminacije, koja je prisutna u svim sferama života u oba entiteta kod raznih ciljnih grupa, doprinijeti održivom povratku i humanom suživotu.

- Uspostavljanje saradnje sa NVO-ima u široj regiji kako bi se kroz dijalog doprinijelo stvaranju trajnog mira.
- Umrežavanje djece, roditelja, nastavnika i menadžmenta škola iz oba entiteta i šire regije, te stvaranje partnerskih odnosa koji će se nastaviti razvijati i u budućnosti.
- Prevencija nasilja među djecom i mladima (u školi, porodici i zajednici u cjelini).
- Humanizacija odnosa među polovima.
- Formiranje Đačkih klubova kao legalnog dijela škole.
- Edukacija predstavnika centara koji bi trebali da preuzmu vođenje i samoorganiziranje istih.
- Edukacija iz područja demokratije, liderstva, javnog zagovaranja, pisanja prijedloga projekata.
- Uređivanje web stranica i učeničkih novina sa ciljem poboljšanja komunikacije i standarda učeničkog života.

Korisničke grupe:

- Učenici osnovnih škola uzrasta od 12-15 godina,
- Nastavnici,
- Roditelji, direktno i indirektno,
- Menadžmenti škola

Tokom **2010.** godine projekat je realiziran u školama „Dositej Obradović“, Suvo Polje opština Bijeljina, „Petar Kočić“ Kozluk, „Aleksa Šantić“ Ugljevik, „Desanka Maksimović“ Oraovac, „Meša Selimović“ Janja – sve iz Republike Srpske, „Dubrave“ Dubrave, „Slavinovići“ Tuzla, „Vukovije“ Vukovije Gornje, „Tojšići“ Tojšići, „Lukavac Grad“ Lukavac – sve iz Federacije Bosne i Hercegovine.

2011. godine u školama „Petar Kočić“ Kozluk, „Aleksa Šantić“ Ugljevik, „Desanka Maksimović“ Oraovac, „Sveti Sava“ Lopare – sve iz Republike Srpske, „Mramor“ Mramor, „Slavinovići“ Tuzla, „Vukovije“ Vukovije Gornje i „Tojšići“ Tojšići (FBiH).

2012. godine: „Desanka Maksimović“ Čelopek (centralna škola), „Desanka Maksimović“ Oraovac (područna škola), „Petar Kočić“ Kozluk, „Sveti Sava“ Lopare, „Vukovije“ Vukovije Gornje (Kalesija), „Mramor“ i „Gornja Tuzla“ (Tuzla), „Čelić“ Čelić

2013. godine: „Desanka Maksimović“ Čelopek (centralna škola), „Desanka Maksimović“ Oraovac (područna škola), „Petar Kočić“ Kozluk, „Sveti Sava“ Lopare, „Vukovije“ Vukovije Gornje (Kalesija), „Mramor“ (Tuzla), „Gornji Rainci“ (Kalesija), „Čelić“ Čelić.

2014 godine: „Desanka Maksimović“ Čelopek (centralna škola), „Desanka Maksimović“ Oraovac (područna škola), „Sveti Sava“ Lopare, „Mramor“ (Tuzla), „Gornji Rainci“ Gornji Rainci (Kalesija), „Čelić“ Čelić